

養素堂詩集

養素堂詩集卷十四

荅威張謝介侯

入蜀集中 丁丑戊寅

安邊曉發遇雪

指眼望平楚樹杪留皓月
籠蔽遽有聲始知雪來猝
碧波添點珠青山聳瑤骨
寒氣逼春風凜然森毛髮
邨虛犬蒼黃沙汀鷺突兀
塗旅怯淖泥石農欣鉏塋
我意殊蒼茫傾酒嚼彭越

舟中聽雨

意倦客早寢舟輕江平流
急雨忽競響寒煙知籠洲
臘酒氣尚熱春風吹初柔
輾轉不復寐鄰船聞商謳

江上喜晴

春水溶溶魚逆上春雲淦淦燕高摩風柔時見波生穀日暝還
聞鳥弄歌翠竹黃花江岸寺青山白石野人窩倚爐聊寫清英
調猶爽蛟龍舞大渦

諸同人於修禊日集草堂祝杜少陵先生壽予以病不預

呂星泉

兆麟

刺史愆恩爲詩輒徇意臆之

薦君清酒拜君祠三月鶯花未老時半世萍蹤千里夢百季心
緒七哀詩東坡命運蠅旋磨吏部身宮牛並箕等是人間不平
事春波今日鑑須眉

我亦勞勞太瘦生相逢飯顚定相驚不知許事懷京國每到良
辰感舊盟幸有男兒扶杖履何妨幕府寄功名試看藉草尋花

客都抱含豪吮墨情

又作

代

上巳芳辰到草堂杜陵遺像奠椒漿文章萬丈留光燭蹤跡半
生淹盡梁慣向百花尋蛺蝶何曾一飯忘君王青蓮沒後無人
替誰道放翁能辦香

爲祝先生綰緯秋九原含笑洗牢愁季膺未必眞知已次律終
然挫壯猷歲月蒼涼感天寶馥膏燧賸句名流孤墳何處無人
掘蜀酒一卮春日悠

李竹雲

傳杰

明府寓所見小胡孫詠之

如此形容未老蒼朝三暮四受欺伴城狐社鼠爭神聖爾亦扳

卷一百一十一
援得主張

纔離煙霧幾層深誰覓靈沙變爾心
面目猶疑君子化碧山歸去動哀吟

黃巾作戲自精神異日朱絲認野賓
莫道王孫真巧捷曩來喜怒亦因人

煙叢慣上土牛騎誰識山翁有素雌
一旦周公衮衣被卻忘朝莫是巴兒

偶作

東瀛意怠輕同力南國嬰彌後倚驕
輓牴翻招嬪嬾笑鵬鵬不免鷁鳩嘲
左行何事當蔬喫積血無由偕酒澆
寄語端琦莫相

惡伯裘仍是老狐妖

樊蘇邨

秦

照磨新築草亭以斷句十章紀之索和賤此

曾步姑蘇響屨廊霸圖遺恨問夸光來尋西蜀揚雄宅尚見方池墨水香

樊侯吏隱喜禪譚老去情懷慕笑三偶爾縛茅亭子築茶瓜畱客不嫌慙

瀟上歐船一鏡平未能歸去暢煙情此中戢景聊安適夢想聽山鳥喚名

宋寥無事獨憑欄手把黃庭寸宅安細雨斜風軒外過早知身世是枝官

人境寧逃車馬鬻栽花恰是養花朝
碧桐枝上棲么鳳底事千
年種倚驕

隱囊眠起已斜暉蕉葉裁書綠又肥
坐到筠簾漏明月月等如
水竹陰圍

良友婆娑剝啄所爭誇大戶倒罌盆
枯腸如我詩思澀遮莫罰
依金谷園

蟬蘭花馥滿堂坳子母筍抽青玉梢
坡老當年真好事茶根時

說元修巢

蘇邨亦
開蔬圃

竟不揆予亦怨荃故山空憶五蘭泉
牽船岸住吾家事不附皋
通效管賢

飛騰幾輩又何論
欄外嬾雲低壓垣
司馬琴臺今祝後
誰人復道卓王孫

呂星泉

兆祺

刺史以詩徵酒食
卽步元韻戲禽

尊賢夏屋賸渠渠
古道如風久掃除
作吏妄傳烏攫月
讀書空說鬼盈車
閒來看劍龍吟厲
靜裏把杯蛇影虛
此日清尊知負諾
不妨苞牒自扶胥

顧樊蘇邨

泰

金川撫夸圖

烏索墨爾山峻嶒
羊膊嶺江澎湖促
漫償拉巢穴憑諾
木格桑恣奔騰

天戈所揮海運鵬
地雷一發蚩尤斃
銘功噶喇依之層
樊君來

管崇化屯刮耳巖犄髯戟掀風穴石井氣不溫擁鑪瑟霜望朝
瞰蓮花如掌雪裏捫孩兒歸叫郝敢吞冬蟲夏草資盤飧有人
儘耐勞苦并放索子罷巖巢耕秋收蕎麥充垣畧星宿老雞雜
煮烹土鹽掘得安生成謹守布甲達魯名控制尚有中原兵承
平日久休養深鵠并驕悍貪狼心飽蝕軍饟弊侵尋霹靂手乃
君自今發其宿慝神奸擒驩騰介士颺吹零蠻婦夜上厠樓陰
春和時節景物融寧邊橋下浪溶溶巡閱美諾馳青驄健僕如
虎關雕弓番酋出迎語難通畱犁刀撓牛湮濃跪獻聊比輸幪
賚君兮腸俠氣尤豪寶劍三尺龍鳴濤可憐偉抱官閒曹醉裏
往往歌聲高出示此圖抒牢騷同憶玉筍峯上條雪李煙柳蒸

霞桃

賀仲選

登舉

判官邀樊蘇邨

泰

照磨后權一

釣

刺史輩芝

庭

宋

孝廉暨余集北郭外老侯祠爲泛舟之游

丞相祠堂鬱蔚森
閒來瞻拜仰徽音
殘碑未寫吞吳恨
古柏長留輔漢心
我帽遺文八陳演
誰懷梁甫二桃陰
黃鵬隔葉牽游興
岸曠呼朋憩碧陰

到此煩袪暑氣消
空亭絮語靜無驚
潛魚吹浪荷珠迸
老鶴歸巢磐石澆
斜日穿雲坐飲霓
輕風拂水盪生綃
何時吞得蓬萊月
不羨敦煌赭雨椒

清谿照影幾回灣
小艇宜人任往還
酒渴心憐波澹澹
茶香臥

聽鳥關關幽篴夾岸天都碧
弱柳綠隄蟄自斑爲問中原知己
在錦鱗好寄託潺湲

自在中流浪不淦輕帆小住板橋南
竹搖空翠羅衫溼松卷晴濤
午夢酣邨外農人忙打麥蘆中漁父醉能醺塵懷斗覺一時
盡擬到明朝看曉嵐

賀仲選

登舉

判官邀樊蘇邨

秦

照磨石權一

鈞

刺史董芝

庭

索

孝廉暨余泛舟爲樂蘇邨詩先成索和贈此

不見神仙馬自然來游水榭脫衣船

蜀人以領
衿爲船

一池菡萏紅於

面滿院芭蕉綠到天
曉鳥聲驚熱客落花何處問
頑仙箇中日月須辨樂
休管螳螂暗取蟬

一鏡波平淨點埃輕帆移近白雲隈
鷗狎浪依回渚修竹坐陰落淺杯
鼠聖狐神聊話柄鶯歌蝶舞亦芳陪
無須根觸當年事江上牛奔玉壘開

醉臥船窗愛碧波江南風景未爲過
綠楊深處彈臨岳紅蓼開時看渡河
天外游雲工幻態蠻中槃木尚夸歌
抗塵禿俗時縈夢比似周倫定孰多

髯也超羣氣最豪紛紜空牖此牛刀
上章欲使書無鬼泛宅那須布裹篙
聯轡共趁金縷曲飛觴慣喝月輪高
何如戢景草亭

上隨意呼朋飲濁醪

蘇邨新葺草亭額曰戢景

岸谿坐釣圖爲王晉堂

壘

明府作

艸色敞湖天坐綸意邈然游鱗三尺雪泛宅一谿煙蓼岸飛漁
火汀沙印鷺拳斜陽換酒去茗上有遺筌

唱得滄浪曲扁舟掠緒風丈人胥江上窮士想蘆中幾輩逃香
餌中原寄釣筒餘不鄉夢遠來此覓涪翁

予亦愛煙波平真問志和樵青茶味雋霽水釣徒多竿拂珊瑚
樹橈停欸乃歌故人今不見尺素奈慵何

金鑣那容掣芒鉞未易尋水清魚畏獺秋老月橫林獨繭簷何
術靈符涓子心君毋忽陽晝單父可調琴

晉堂始奉
檄署大寧

題友人小照

荷風竹雨晚涼天鼻觀香清意欲仙銀鹿捧來蕉尾覩潛夫好

箸鳥情篇

無須結社到廬山林下羣賢亦可刪
一琅玕青欲汗邀佗沙海甯封還

思艦

終日思艦念不休萬重山外卽涼州

屏山爲馬湖府地元史馬湖府昇涼州相直江

源信昇河源並此地能通卽上游

一統志黃河源在朶甘衛西

終日思艦欲息肩故鄉無有半稜田飢來何以充枵腹擬到南

山種玉延

謁諸葛丞相祠堂

天下奇才近有無兵機不必出陰符馬牛來往連雲棧蛇鳥蟠

騫八陳圖直欲長驅河洛上竟難恢拓益梁隅皇輿混一知何
日平紀青龍又赤烏

流涕陳書兩出師中原從識蒞旌旗威名如虎驚司馬正議干
雲陋許芝膽剖雞坊憐上士腳埋縣竹痛佳兒祗畱古柏森遺
廟梁甫高吟我獨悲

重九日呂星泉

兆祺

刺史招集同人賞菊

風風雨雨到重陽益部秋高客思長雁字不隨隄響斷馬蹏爭
向菊花忙瘳真如我堪延月淡是何人欲傲霜鳳嶺龍沙都往

事逢君拚醉洞庭香

星泉寓洞庭香館後有橘園

爲問靈根近有無幾季風景眼拚殊

余曾寓此植菊頗繁

美人遲莫紫清

夢烈士悲歌擊壺聊折一枝香在抱因開三徑草刪蕪春蘭
底事爭時秀領取寒衙伴杞厨

無庸肅駕上山椒籬外南山景象超老瓦盆中秋自放天涯石

畔客相招餐英或得延季術把酒還酬瀝苑嬌

文翁石室面有瀝時菊花仙見

志 奪堅

左手持螯庶色浥岷峨嵐翠落詩瓢

中原北望淩洪河百萬蒼生付濁波忍插黃鸞滿頭舞翻傷碧
蟻入脣多杜陵老淚歸佗日彭澤賦辭託兩柯不是悲秋愁宋
玉小山叢桂定如何

望雪作

巴蜀區霽久忽爾得晴霽景象亦良佳冬令不塞爾如趙日堪

愛不周風未厲津無洛澤冰魚鼈爭睥睨林無肅殺霜梟鴟恣
捫捩小草尚敷榮松柏被隱翳微蟲弗號寒鳳皇讓鸞麗直以
陰不凝翻疑陽爲沴農夫隴上歎裹手來牟計蝗蝻儻滋生有
司捕徒贅我欲削璣璋寫誠籲上帝敕滕六駕驂召葛三驅隸
萬龍爪擎雲百鳳翼扇飈紛紜滿郢塍雜沓壓塵壚盈尺擁馬
蹏踰丈封牛背威行犬吠天冷到龜言歲孝思梁山申逸興剡
水濟瀆穀知旱能宜麥卜穗滯何憎庭竹枯實爲野氓惠我懷
旣釋然觴飲南亭憩醉呼郢中人陽春古調曳動驢背詩情趁
羊角友誓漁舟釣清江鶴擎步玉砌亦足慰朱寥無庸慕權勢
時訪東郭生履穿衣仍弊一笑仰青冥那向巖四筵

游草堂寺

歸路蒼林起暮煙興中回憶步廊并梅苞未破春先覺竹筍纔
抽節已全凍雀避人藏蠟樹癡蠅撞紙去驢牽塵袞到此消煩
惱誰繼開元杜甫篇

諸暨何烈婦屠孺人詩

高穹滲瀝廣堪机隄有時而壞平黃滋蠶扶柱繫維賴此節烈
粵閩在咎割鼻劓面毀形衛身三秋骨鍊震恒精靈富貴如霰
猗歟何媛屠氏淑女克孝尊章克諧娣姒舉案能莊茹荼不苦
我儀選屬梁甫趣召蒿里露晞蓮鍰霜耀魂魄依俛風雨悲歎
威姑早歿奚薦魚餐嗣子無徵奚事熊丸俛仰天地血碧心丹

薛峩者峩淪棄者水磨并何人捐珮誰予一笑同歸冢苗連理
珠銷玉碎鳳靡鸞訛烈婦之節無偏無頗節婦之烈可泣可歌
白雲已逝青山不改化鶴雙飛生花並蓓義動瀛寰誠感眞宰
代伯諸暨何烈婦屠孺人詩

一縷香魂六合清
騰輪雲馬首霞城
遲回憶及秋閨月
簾外寒蛩觸砌鳴

秦和不出誤夫君
羅襪斑斑血淚痕
郝憎餘生從地下
卻游天上覓靈氛

貧甚黔婁已有年
蒼涼錦瑟裂蝸絃
高飛難譜離鸞曲
夜雨秋風泣杜鵑

郁郁芳蘭夢渺茫
畫樓空貯女兒箱
牛衣獨臥愁如許
花發芙蓉早斷腸

無復機窗促織音
紙錢清酒上公琴
朝來宰木悲鳴切
卻見雙宿宿翠禽

墜樓投井是何人
蹈刃翻成不朽身
試向曹娥江上望
貞姑孝女兩無倫

雪後游南山

牛門雞棲總未登
時時躡翠南山層
松梢白雪風吹落
認作歸巢鶴避僧

游西禪寺

茵地草青青蒼松翠作屏
騶呼犬走吠僧說佛通靈

僧言臘月內夢佛言

龍水鎮有人自經已爲救活視之果然

坐久雲窺戶
陰清月瀉庭
閒心無一事
欲

譯楞嚴經

春日游五桂山

戊寅

山齋錢古洞紀自貞觀
季樹老根穿石春晴雪化煙
人家白塢

外佛寺翠濤并恨少縣巖水呼龍出聖泉

山有洞鑿石龍頗奇惜無泉

北禪寺

破落三間殿蕭條一个僧
落階咽流水鐵檠閃殘燈
黠鼠銜經

葉奔牛觸草繩繫弓耽冥靖
來此問南能

南禪寺

擁翠樓何處雨花堂不存白雲出龍洞洞在高山去寺三里許碧水瀉松

門僧嬾碑生蘚春和鳥弄言舫真愛禪宋聊且息塵煩

游北山

獨有春游可散懷北山嵐翠撲眉佳唐碑尚在多殘字我佛如

來半折骸

刻佛像極精巧多半摧毀

風掃浮雲翳大壑泉飛靈雨落懸崖循

塗明月橋頭望綠竹黃花兩岸排

北山觀音泉

碧乳瀉石竇涓涓聲清幽泡影自在現醍醐隨時流沫濺菩薩

面苔生毗沙頭入澗雨滴夜衝崖風鳴秋孰鑿地脈出如將天

紳畱啄藻浴翠羽牽縻驅黃牛避暑洗蒜髮評泉攜茶甌吸露

卷之十一
二
肺可沁眠雲心何求早悟佛力大方知坤靈柔境僻草未踏波
激魚空游鏡我息壯志觀人符良眸結屋此養靜无腸抄牢愁

春晴登南山遠望

丹崖翠嶂笑容開風送閒雲眼底來盧氏營空餘雀鼠韋君佛
古半莓苔煙邨如画依山住蚪樹陵霄異代栽劇愛盤陀聊偃
曝神仙何必戀蓬萊

書唐乾寧二年昌州刺史韋君靖碑

乾符之際天下訐干戈四起黃巢兇侵陷京闕帝塵蒙六龍西
駐成都宮君靖擐甲鸞雕弓誓滅賊子輸精忠昌州義旅百萬
雄以佐保障威川東忽焉秀昇爰興戎黔峽巴萬狼煙紅清井

雲安路弗通高仁厚軍司馬充堅壁不戰賊謀窮驚沒鑿賊平
朦朧被擒載以廣柳聽楊師立者又恩恩爭陳敬瑄交相攻統
領精銳如羆熊小醜勢迫投池中如公乃勇誰爭鋒摧拉逆黨
火燎蓬田洞上奏符皇衷恩加僕射官爵隆兼綰舊合渝昌封
勸農殖穀民飽饗花朝月夕傾郵筒宵思設險準王公靜南龍
岡山蟠龍永昌寨起摩蒼穹敵樓數百城墉崇寇來不上從趨
風巧鑿翠壁鐫佛容莊嚴妙相驚神功復建翠堵山之峯警聲
曠莫鼓晨鐘君於大唐有殊功將佐協心勦力同判官胡密紀
始終乾寧二年巨石礮至今蔽蔽埋塵塹余乃接出披圖尋歐
陽不佞明誠侗象之謫陋尤冬烘興圖不辨大匠蹤維摩画像

墮芳叢鳴呼金石過眼雲煙空

偕少尉蔡峻峯 雲游寶頂山晚宿僧房口號二十首

料峭風寒趁早春活雲飛出逗魚鱗弄君同蠟游山屐學作拖

泥帶水人

弄少尉蔡峻峯泥
淖中按尋碑隅

金身丈六下遙天現出等巖世大千俗士那知菩提意卻從枯

樹拜求仙

南巖右鐫三世
佛狀極奇偉

萬歲樓高壓梵宮鐘聲鈴語會遙空毗盧不復臨塵世絕壑松

濤作雨風

崑山爲毗盧
煉形之所

柳癭爲胎柳本尊隸書碑額至今存恨侘金石無長壽不得披

緇祝髮原

碑額橫書唐柳本尊傳五字
碑文字極小漫滅不可辨

大寶高樓尚緬然扶風震雨閣千竿達摩不示西來意蘆葉江

邊月又圓

石壁橫刻八字僅存末大寶樓閣四字將即大寶樓閣以石砌成凡三層周圍鑄細下有達摩像

牧牛何事亦成仙崖上牛蹏踏破煙牛背時橫夕陽遂勝佗跨

鶴上青天

巖左刻朝請郎知潤州賜紫金魚袋楊次公得道牧牛事

圓覺巖并翠靄重阿難迦葉坐芙蓉揮麈欲佗銅文頌驚卻却

州魏了翁

洞有魏鶴山寶頂山三字

猱獠突兀見獅王香象渡河從望洋自己船飄羅刹國無庸又

手怨風狂

洞口刻獅子狀極雄特

爲祝季豐食不艱老人邨在米糧閒黃雲滿地收難盡欲築天

倉倩魯班

洞之西巖有石圀俗呼爲魯班倉

泉飛石竇迸靈湫瀉出心源萬古流寄語征塗煩惱客長松樹

下好科頭

山有靈湫泉大旱不竭

熱鐵輪從頂上旋牟尼落地亦茫然沸湯尚有人伸臂應笑聞

羅鑊未煎

北巖刻地獄變相又刻云假使熱鐵輪於我頂上旋終不以此苦退失菩提心凡十數處

底事長眠目不張旁人爲說倦津梁嗟予僕僕思肩戶嬾學壺

公縮地方

巖曲刻睡佛

禁庭供奉現珠光嬪御膜南孔雀王勝晷天書丹闕見山林衲

子紀禎祥

宋嘉定八年事見僧道權寶壻圖記

一碧方塘水不波天光雲影拂風過盤陀石上畱雙足碑立何

年字已磨

寺并大池內豎碑碑左右石上有雙足跡泃水觀碑係永樂丙午季刻字多漫滅

天樂聲從澗底來，采雲捧出金銀臺。
觀音甘露楊枝灑，驚地蓮

花十丈開。

史彭碑言康熙癸亥歲澗中時聞音樂

壙頂高飛閱幾秋，傳聞鐵索鎖瀘州。
西方翠堵浮滄海南國山

川到郁洲。

東阜壙無頂相傳國初時飛至瀘州州人以鐵索鎖之

爲語枯僧理貝文，那將佛說等浮雲。
無文字處多精義，猿鶴空

山靜夜聞。

寺有藏經皆罄亂敗壞但供蟲蛙鼠啣飭僧爲之排次

萬籟無聲炯一鐙，弄身憶是住詩僧。
聞鐘猶自槃旋舞，明月縣

天印碧泓。

是日宿山中明月在天景最清杳

自信生平憎佞佛，瑜伽妙處亦心知。
阿誰擎出拳頭識，試問丹

霞或得之。

半夜高陞山鬼驚
筆花飛舞佛來盟
新詩聊作宗門偈
龍象奔騰現化城

題彭願川事後

願天常生好人願人常行好事
古賢抱此宏願余亦蓄有腐志
說法現宰官身讀書識忠孝字
何期老彭能施亦有廖子嗜義
千萬人往來橋坦坦如履平地
至今過者齒芬良由芥視夫利
白塢寺耑老松

寺外蒼松百尺高
槃陀石上聽風濤
佗年畱得蚪枝在白鶴
歸來寄羽毛

登多寶塢

俗呼白塢觀宋刻
知原名多寶塢

重游到此有并因妍曠昌州二月春欲向雲中尋若士卻從天

外置吾身龍等舍利技難得

紹興時瀘南安撫使馮大學牌屬言塲藏龍等舍利一百二十粒

鼎文章認不真長嘯罡風吹霧淨羣山羞澀失嶙峋

昇蔡雨亭

雲

少尉游多寶塲寺飲大石上

巨石淨浮塵軒衣一爽神誰家簫噤厲并子酒逡巡老樹方延
客遠山如避人笑佗仙佛事不及冶游春

顥廣元楊州同

繼曉

死難傳後

月黑木門梁覺斯

繼曉字

塵戰場三更矛出火十盪劍飛霜裏灑

模糊血星流慘澹芒勢孤援復絕報國捍家鄉

蛾賊竟喧呶呼聲四面雷銜須困猶鬥剗腹焚難灰斷舌杲卿

養素堂詩集 卷十四

圭

晉無頭買雍來靈魂依九曲夜月杜鵑哀

揮金鳩義旅草檄助虛聲塗地誠天意陳人作鬼兵書生徒紙

說俗吏安萇城安得謀兼勇休教笑送迎

時有官軍迎送賊之議

良謀若早施疆寇定難窺何意官成賸從教士騎箕國殤都茂

族

時陷陳者楊姓一百餘人

朝命有忠祠猶憶橫刀戰梟渠羨健兒

大匡孝泉井宋進士何光震母病渴祈禱之所出也

泉之水清且漪母病渴渴病危一飲氣爽再飲心怡儻忽渴病

去何之曩者槁壤今爲清泉坤靈啟地脈神龍下視乎雲穿碧

波鏡石甃銅瓶十丈響涓涓往來人寒漱齒問爲誰何孝子

喜雨步陳和斧旭茂才韻

不雨兼旬久心焚事禱祠微誠期上達坎卦亟劬推田圯蠲愁
暗湫乾龍思移阿香呼未應諒輔暴如有竟荷平冥賜紛鞭列
餽馳油雲奚待族尺澤可容施施尺名見管子峯沐煙螺秀波添稻蟹
滋夏畦人失病甘醴物逢時老鸛鳴蒼垓游魚噉鴉瀾三農飢
庶免十日驗無差詎有同天力仍須相土宜吾民真抃喜社外
鼓聲熙

書李氏三忠事蹟後有序

三忠者用楫字若濟永明時官肇高廉雷瓊羅巡撫梅
嶺之敗沈於門生勞貞觀池死來字我貽官中書科中

書舍人爲監軍靖南王耿繼茂攻欽州用楫兵敗死來
合李定國圍肇慶 大兵自廣州來援來走死於德

慶州順字廷順官江西道監察御史永明王在安籠孫
可望見待無人臣禮順昇大學士吳貞毓翰林蔣乾昌
李元開給事中張鐫胡士瑞部郎徐極楊鍾趙廣禹蔡
續鄭允元周允吉朱儀屢朱東且任斗墟易士佳內侍
全爲國張福祿等謀誅可望事泄爲可望拷掠死順於
用楫爲大父行來用楫同產弟也其裔孫復來爲李氏
三忠事蹟考證示余爰顯其後

天步艱難日人心畔換辰孤忠仍活國授命卽全身灘水師難

捷崖山旣已鄰猶然志匡復板蕩此純臣

之宮瓊島上惠化服黎蠻大敵存如噓天威凜在顏彈章楚黨
去躡足秦封頌合浦蟲沙劫星芒落水灣

我貽誠健者束髮從兄胞報主初投筆監軍乃著靴翰龍兼畧
豹射虎復禽蛟可憎瘡痍甚靖南兵又交

目憤朝廷小權臣禮數訛露車棲帝子腐骨給宮娥刺卓伍瓊
壯謀登索曜番不成竟天意碎首轉高歌

跡明時事壞委鬼弄茄花改玉方悲象良金又獻蛇丹心埋碧
血皓氣激青霞桂水黔雲外英魂泣鱗牙

不可支天廢莫宏恨莫銷海枯禽自在月闕兔難天似此風期

烈誰將曲士嘲讀公遺事罷拊劍仰星杓

題画

誰寫秋容一兩枝花花葉葉露初滋邊鸞去後風流歇莫向芳
園問画師

經成蟋蟀半閒人蟬曳殘聲聽不真碧海青天驪客夢花并聊
復醉花神

和周喈雲

興嚴

秀才秋興韻

天地秋聲滿江湖落潦低砑砑中澤雁

時收穫微歎

喔喔汝南雞霜

蕭黃花瘦風道白鳥迷航腸蕭瑟意試問斗杓西

宦情真疇蠟迂拙未相宜看劍虹騰匣握壺鳥啄籬簪書師李

耳學稼友樊遲君乃悲秋士長陰落木詩

又次舟韻禽宮甫亭

製錦秀才

斗覺秋容老雲羅拂岫低紛吾思抱憤此日且驅雞飲水情原
淡飛基路總迷桃笙涼不禁起坐話窗西

亦有陶公興黃花侑酒宜賓鴻能伴陳客燕故寧籬攬鏡顏何
悴持螯手莫遲階埒蟲語切宛是孟郊詩

修大足東城門瀝相樓肖諸葛忠孝侯像成謹紀二首

三代而還善擇君忠謀譽譽在遺文秤心峻法泯勞怨北出南
征箸伐勳此日風雷迷八陳當季羽扇定三軍祠堂到處森霜
柏不獨錦官祠祀芬

氣象清高信偉哉
椒糈拜奠意衷哀
中原日月縣宵夢
益部江山列錦堆
司馬何知服名士
臥龍雖遇困奇才
危樓俯檻獨憑弔
颯颯秋風五丈來

重九日偕友人游南禪寺至玉皇觀登高

夾路松聲涌翠濤
疏篁秀色上猩袍
偷閒來問空王法
仰首呼通帝座高
鸞地寒雲圍翠堵
摩天健鶻覩林皋
登峯欲咒石龍雨
洗盡斑斑好吮毫

有洞刻石龍

扳蘿拊葛費冥搜
趙宋詩篇石壁留
已到紅羊劫火日
誰悲白

雁荆襄秋感懷吾欲啞壺擊歎歲民偏鼓腹游

嚴申酒禁米價甚賤

黃菊

葉萸循例醉巖城
寒漏下更籌

歲行盡矣余將卸篆官舍清宋重游三清洞遣興摩挲宋刻倍增感吁口占二詩鐫石以志游跡

春雲雪後澹如消斗覺霜蹠踏燈驕柳色青來鶯舌澀菜花黃處酒旗飄刑清無事官疏嬾僧俗何知佛宋鑒一載昌州慚撫字懷香試聽泮林鵲

磨崖蘇字又來尋乾道淳熙歲月深毀黨籍碑青史泣小朝廷

幣白頭塗儘多避暑迎涼客石刻題名如此誰抱憂時活國心讀罷張

何謝倡句晴天一鶴響瑤音

十二月二十七日大雪游玉皇觀

百萬玉龍甲委地赤狐黑鳥紛竄避是誰翦水作花飛瓊林瑤

樹寒冬媚我乃乘興獨登山迷茫不見南禪寺洗馬顛與夫躋
吏民笑官何輕出尾隨潛至梵堂窺立雪大書摩崖字余亦自
嗤狂危坐息煩志偶憶少年時手團獅子戲一官今猶滯庸南
犬吠蒼黃問何意仙佛不言微蹙眉烹臯盧罷燒春醉

偶作

微官敢有濟時心且把詩書理細尋已死古人撐白骨方窮壯
士賤黃金風雷一噓分天地魚鳥雙奇任古今吾早欲歸歸未
得中宵老淚溼衣襟

養素堂詩集卷十五

荅威張

入蜀集下 己卯庚辰

東巖寺

卽銅梁
羅喉山

曉露侵衣翠色迷
隔林遙見白雲犁
許多竹筍無人斲
立聽枝間謝豹啼

亭午酣眠夢入仙
軒開四面散晴煙
癡蜂抱葉緣何事
風落巖花到枕邊

負手行游望蔚藍
空濛碧色接煙嵐
樞衣直到羣顏上
大野雲飛覆佛龕

不斷巖禽弄好音
勝侘松石響泉琴
斜陽亦解人歸意
一片殘

霞挂遠林

游羅喉山

在銅梁縣東三里

一徑松風首夏天
空山兀坐感勞
季息心聊學彌
陀佛識字終
超懵懂仙流水
行雲依翠壁落
花啼鳥入蒼煙
最憐奇石橫巖
臥恨不偕來米
老顛

紹熙碑碣已模糊
風景當年似此
無古樹根穿巖
石裂老泉源
竭草心枯雲艤
看竹青寧瘦月
上驗松白鶴孤
到處煙霞懷故
國
我輪底事
羨蓬壺

夜雨不寐東弓大菱谿

翊清明府

衙鼓鑿鑿隔院聞
雨聲敲竹響升
斤燈明鐵檠窺
饒鼠涼入桃

笙怕噤蟲捫腹幾回攤
輒飽搔頭底事怨靈氛
寒蛩獨向空階語
若有人兮賤碧雲

一片蕭騷落葉聲
披衣起坐到三更
劍光出匣飛明月
酒氣浮甌瀉碧瓊
久負蓴鱸歸去夢
空期竹帛異時名
故人天上應懷

我記得乘車戴笠盟

時得鮑覺生侍郎書

如君采藻錦綢杠
何況相逢又錦江
面目居然似科斗
文章不復對銀缸
淋漓裏墨知懷硯
菱谿細膩鱸香欲透窗
最是惹人纓絕處
歸奇顧性總無雙

欲向金天問顥靈
伏風蘭雨夢忪惺
千番塗抹桃花紙
一曲郎當閭道鈴
射虎南山心尚壯
釣鼇東海事仍停
殘缸擬撥晨鍾

動好注陰陽占候經

弓菱谿

翊清

明府和予夜雨不寐之作卽用其體訓之並

東吳星查

暉

涂震存

鴻儀

朱屏垣

廷楨

三明府

雨師作意催秋老墮地寒雲風不掃星鐔挂壁蒼龍唵雙眸炯
炯惹鬼惱木蓮花開白雁來壯士痛飲巨羅杯一鐙如豆蒲鎗
叫肉翅蠟蠅飛襲襲自病塵勞欲息機蕙帶稱東山人衣山人
一去空猿鵲攢峯列壑爭嘲譏之子情亦厭嚙脊臥觀唵詩避
蟲嚙問予胡爲心慨慷玉壘浮雲奔台還

謄錄所卽事

平生結得蝨魚緣已卯欣逢大比年席帽六千歸矮屋鶉衣八

百列長筵食爭雞鶩斜陽外聲亂鵲鵲曉漏邊舊說韓侯能將
眾多多益善未虛傳

妃豨帝虎舛難支膽錄仍兼對讀銜卷有誤字予爲之改正瓦石珠璣分

貴賤魚龍鳥隔仙凡描來不失廬山面掘後空餘寶劍函共
道揚雄好奇字墨痕曾漬舊青衫

深悔從舛帖畢來諸君僕僕胡爲哉含蘖儼是能文士授簡都
非作賤才錯認丹書銜雀喙誰將漆字改蘭臺模糊脫落遭塗
楚賸得青銅劇可哀

科場條例亦須看卷上畱名事大難問世何須乾牒子衡文卻
羨內簾官消磨日月忙中過依樣葫蘆局外觀回首木天蕉鹿

夢雨聲風氣五更寒

秋夜吟

秋風瑟瑟秋月白醒後方知身是客客子光陰詩卷餘興酣斗
酒篇盈百轉思文字落筌蹄不如鍊精半牝宅老聃西去青羊
空使我旁皇色不懌弓菱谿吳星查軒輓本塵土紅顏實水花
我欲舍此雙鳧去鞭羣笏鳳陵煙霞仙之人兮莫予顧簿書鞅
掌徒紛拏

胡竹塘

光贊

明府邀余同沈松渠

學鑑

張黼暉

錦

二明府

游杜少陵草堂

棘院方竣事招呼到草堂閒雲平竹樹積潦蕩孤蔕雁字排霄

迴馬蹏爭路忙橋西一回首隱約見青羊

稷高今難佗先生抱國憂中原戎馬滿舊宅海樓畱此日朋來

遠當季客至稠草堂窮眺覽風雨惠陵秋

少西卽昭烈帝陵

隨意循廊步扶光樹杪紅老僧鉏宿草倦客仰歸鴻杯漾蓬萊月袞披薜荔風塵勞渾忘卻羨殺劍南翁

痛飲倒偏搥新涼入錦裊青蠅仍在棘白玉竟投泥坐久蓬心啓橋喧鴨姓奚軒衣聊一笑歸路爛雲低

內江別弓大菱谿

翊清

明府

呦呦原上鹿嗷嗷雲閒雁君如鹿銜花日麗香可粲我如雁書
字風吹行卽斷素車臨逍遙名谷仙人游半溼白馬渡資水龍子

避深灘何處遂飛聲淒切塵夢喚逢君酒頻斟慰我劍屢按功名魚上竹事業鳳遭鑿感喟心成灰撫摩髮已蒜遙遞有高樓招邀佗恒幹菱谿欲寓我於署西高樓歸思不可裁隴首雲飛散攜手中庭立蘭干北斗看明月雁江波春愁瀉汧汧

逍遙谷

漫道神仙事渺茫逍遙谷內石匡牀雲封洞口紛鸞鶴水瀉巖齋奏徵商永壽至今多甲子深山尚爾古文章征塗不覺春光豔碧草芊緜隱夕陽

庚辰三月二十九日自成都西歸賀所齋

晚士

太守楊文

泉得質

明府餞送諸葛祠并惘惘不忍別

經未暇續長短記未暇補方圓匆匆馬首向東去秦雲隴樹鄉
愁牽別酒滿斟不能飲執手欲語悲來填摩訶池浪漪漣石鏡
山月嬋娟錦城自昔爲樂國惟有文翁老侯是名賢金馬刀銘
古木牛車制全可知事業須經術不信功名有遇緣垂崖何遜
黃承座嚴荅幾剗杜甫咽擲玃不問費雞師坎行良止實由天
藏我秦宮鏡彈君蜀國絃明日金雁橋上望震風陵雨何淒然
予去矣子畱焉佗時相念丞相祠并

新都弔楊升菴先生

議禮得南遷生還亦偶然金澣餘醉墨玉闕返何年祇有書消
日邠無事問天幾回省親疾直賴守臣賢

彌牟鎮尋八陳圖

彌牟鎮上看平川八陳真圖已杳然殺氣橫連魚復外兵機上
湖鼉靈舁龍蛇變化餘巖石虎豹雄威散野煙誰讀陰符知妙
用老鄉心事少人傳

蕩州西湖

渺渺煙波浮島嶼飛樓危榭今無主島嶼花落蕩春風次律當
季抱琴鼓載酒滿船夕月明松檜空際清光吐可憺廷蘭去復
招和璞來閒復閒兮樂莫樂子牟魏闕思深哉不知若弣絃再
理可憶陳濤血是水

金雁橋邊有將軍張任墓

金雁橋下水涂涂金雁橋上屋渠渠長廊櫺比瀾
生石躍魚颯颯寒風撲客面叢林日瘦天容變
父老指說季渥
季將軍報主真死戰一笑巴州嚴將軍所頭復所從云云

嚴君平卜卦臺

李圖咎述夫子言經四州八尋其原歸來賣卜維城市人言司
馬季主存羅沖無識空餽物李彊何能敢致門心儀衡嶽惠車
子夢想海邊枯木根自料身世升沈定不畱卜錢富子孫我來
城北問遺趾荒煙蔓草竄鴟鵂賸有七星井水碧朝朝莫莫灌
人園

秦宓三造亭

在德陽縣

俗士慕榮利絜梯慣曳裾有識之所鄙弓旌避其閭秦君品素峻夏侯心乃虛咨詢五帝姓世系辯訛疏養龍尋董父左證在古書皇帝舜王霸運會互乘除一朝難剖析屢謁宿疑祛太守誠好士良由懿德儲何人希高躅南陽三顧廬

落鳳坡

太白耿長空軍聲五夜中如何一流矢竟失半英雄天若扶炎業君能稟命融

統死時年三十六

鳳雛胡折翼涕泣獨臨戎

無功灘

古画通靈樹竟空角鷹飛入碧波中早知奇相憐碑碣悔不輕綃乞楚公

縣州豆子山

陽平山上雨如絲
龍女輕綃恨織遲
瓦鼓幾聲雲影墮
爭看豆子數峯奇

上亭驛

卽郎當驛

夜雨上亭驛
鈴聲一曲涼野狐
舩可聽悽絕問郎當

郎當驛晨飢後逢花曉亭

杰

太守自京赴重慶任

屈指萍蹤已十季
郎當驛上語流連
弄塗定夢巴山雨
後會仍陵閣道煙
吏治如今多義縱
君才未必少經權
江州民戶都殷富
記取車中訓冉賢

劍閣遇雨

并塗乍息埃雲擁劍門開雷勢挾山起谿聲逼雨來
碑橫龍洗字樹密鳥銜耑立馬關頭望劉禪是底才

謁姜平襄侯祠

纔到江油躡賊蹤汝超送冊太匆匆投戈永負南陽託
破膽還能北地從白梃誰教消息漏青羸一去霸圖空
可憐未用橋頭計僥倖成功笑鄧鍾

白衛嶺

憶曾廣寒清虛游青鸞紫鳳翔瓊樓仙娥拂馭飛雙眸
玉簫吹徹蓬萊秋天上之樂真寡儔樂極悲生幸益州
天子方抱長生愁回首登封學帝猷白驃飛鞚泰岱
丘猶龍老子來何求自天

而下昇孫謀示賊破日西京收罕回玉壘解煩憂太清宮闕雲霞浮蔡瓊張傳多徙儔舍之到此濕凡流塞驢鞭策誰爲騶毋亦逃避漁陽矛但恨三郎未問由徐甲何未御青牛

桔柏渡

我聞蜀中二百八十江簡以四百五十灘恠石崩崖波洶怒黃牛白狗排驚瀾利州城南益昌北深潭奔赴過大漫

坡名

鼉靈到

此都鎔愕疑有五犀伏回滯我來正值風色惡濤飛不落天日

寒人多船少各爭濟獨立江岸沙鷗攢生怕雙魚起龍爪

灘名葛

仙何由下仙壇偕我羽扇駕危浪好看九十九峯之煙巒

飛仙閣

羽客棲真地有時飛去來至今餘傑閣不見佐卿回敗壁苔堆
字深淵浪激雷橫崖老松臥孤鶴夜中哀

沙苑騷來後青城去鍊丹夢同嘉九日箭付主人看仙蹟雲煙
幻空山風雨寒我無步虛術悵望好煙巒

廣元羊模谷舊有仙人過朝天關遠望賦之

天際白雲如雪片洞口仙人隱約現衣裾隨風自飄飄雞犬虎
鹿忝狷狷二童偕從步紆徐阜巾端嚴旁執織曳杖倚石看谿
流長須分坐縷若織利州通判寇諱見熙寧至今陵谷變我來
未覩仙之人間說五代牛戈亂王姓斂穫此巖閒汲婦逢僧瘡
盈面索飲懼穢弛擔奔僧就飲之殆將半婦返隱匿不肯言家

人少長爭入嚙須臾飛入棲巖中一似肉身生羽翰婦致餉來
哭欲狂呼婦婦騰不能援牧安樵童常遇之花木濃時來又慣
我得十賚是何幸俚謠聊補王仙傳

龍洞背

斷鼇手段竟何施龍背游行膽氣奇嵐色青青浮曉翠千峯鱗
甲動多時

尋龍門山石穴觀潛水

谷登蒼龍嶺手攬玉女佩燦燦落明星蓮花如船大今陟利州
山龔登龍洞背忽想沔西來何以潛山內下與尋其穴仄徑眩
幽昧扳蘿心自驚履石足多礙草際踏蛇驚小奚面如菜仰眎

壁萬仞直到青霄外
大洞豁豁衍鑿自何年
代高密功難施巨
靈愁無奈定是太始初
造化弄詭恠古浪擁金
濤雷霆走腹臚
聲挾風雨來酣戰木石
碎伏流十餘里乃昇嘉
陵會我欲呼神
龍龍怒吐腥穢人魚不
敢噉立波翻倒退莫春
尚凜寒晴晝仍
冥晦奇哉蜀山奇羣山
皆兒輩寄語拘墟人毋
驚老黿戴

神宣驛卽諸葛丞相籌筆處

不見綸巾羽扇人
當年籌筆總如神
巴山尚佗長蛇勢
漢水空流故國春
泣別朝廷緣底意
志吞中夏拯斯民
佗時嚴道周公
夢同是撫孤忠
盡臣

寧羌州

牢固雄關控沔州小紅狼據說荒丘至今綠野人耕雨無數青
山客徹愁蟠冢雲多連劍閣溼江波怒走金牛依巖百雉氏羌
帽尚指征曹溼老侯

五丁峽絕壁天縣騰波迅急洞壑幽紆棧中奇境也

金牛峽何嵯峨萬仞壁昇天摩云是五丁鑿破通江波幽窅龍
洞如門開驚濤駭浪爭喧喧寒氣撲人通毛髮深壑轉石匄奔
雷但見神龍出洞鱗甲飛動奮爪擎雲誤陷樹孔若有兮仙之
人拊髀雀躍陵龍旋淙淙淙水流其中飛泉倒瀉坐白虹石上
老松根穿石陰崖障日生長風吁嗟乎巨靈擘罅疏河水五丁
神力亦堪比金牛已去木馬來吾將問天天有耳

寬川鋪

水淨沙明鳥語煙地乎如案到寬川人家都住埕楊外馬足常
盤細草邊目斷秦關紫碧樹心疑蜀道落青天早知世路崎嶇
甚恨不此閒謀數椽

嶓冢山

嶓冢氣魄大縣亘雍梁域行行至金牛危峯峙其北毅然出雲
表千天爲峻極小水東南來導漾懷禹德濫觴浴鳧雁合沔波
漫滅由五丁峽出爲沔萬仞立縣崖陰風吹不息噴薄出峽中雷霆怒
興力灑灑青羊河沮水於焉瀾波瀾始壯隔徑歷襄子國東流
溟湯湯奔赴南鄭側大哉此嶓冢岷峨並削劣秦關蜀棧閒興

雲滋稼穡樗栎充棟梁桮櫚任組織仙藥起疲癯美鮒供餐食
山有大魚洞產鮒肥美山也養此瘠土民山靈無矜色
海經以嶧冢爲鮒鰕山也

金牛驛道中

稔知玉可種不信金能糞蜀王何其愚見金不復問蠶叢及魚
鳧五丁大力奮拔蛇山忽摧一綫引路近田真都尉墨相隨儀
鎔拚已滅苴亦亾蜀遂列爲郡東方牧犢兒虎視益土愠本昆
石爲牛呼金未可訓後來漢丞相糧以木牛運貪黷階禍亂勤
勞起僵僨何論石并金牛實經濟濫恃險不務德徒將秦人忿

大安驛

高稼捐驅處英風尚颯然崇岡雲斷續野屋竹蟬娟沮口青山

秀龍門碧水漣荒戎須制禦荒戍問三泉

渡沮水

天低白馬戍地隔百年關杜宇啼深樹荒人種老山何年狼谷
塞此日好春刪漠漠煙浮處誰家綠柳灣

渡白馬河

春波最活湑急雨又灑霰沙輭鷗多立風柔柳欲拈垂崖雲作
障古洞水爲簾山外青羊路兒童唱雒鹽

河縣謁諸葛丞相祠

旣定南方又北征堂堂師出自揚旌木牛能入陽平路芻狗難
爭大瀍名河洛如成飲馬志山川奚事作鼙聲奇才未展天應

泣陳壽何知報國情

荅侯祠石琴

樂山桀秀峙樊襄忠在當年拂祖林不料軍中虛飲食尚能絃
外協宮商曾聞鼙鼓疑司馬詎向黃頭譜別凰我訪琴經經已
失淒其梁甫望陰陽

梁甫陰遙望蕩陰里樂府
作陰陽里注地名在青州

沔縣道中遇雨

古樹幕寒煙遙峯失鵝谿牢關深馬跡澣口下漁船鼃鼻香知
麥飢腸矢去弦空中鉦鼓響似在定軍埒

雨甚不得至定軍山謁諸葛公墓悵望久之

緬然接瀟大山阿何處墓門尋蜀科宰樹青連嶠豕氣豐碑墨

沈沔陽波佳兒苦戰埋人腳良友中宵落鳳坡可笑潁川鍾士
季營東設祭意如何

積阜西望驃騎墳

鰲鄉侯馬超墓
去山六里許

疆魂毅魄至今存何如廟祀

元功配猶見朝廷正禮尊谷口旌旗驚仲達惠陵風雨泣王孫
無由匍匐傾椒奠千里雲來五丈原

女郎祠

女郎名玉蘭道經言張魯女
一云是靈真女靈真張衡也

女郎山上擣衣石女郎祠下化龍池一自龍去波深墨青山娟
秀學画眉時有邨婦來奠酒紙錢飛起繞靈旗

褒斜道中

褒斜道阻且長南北遙相直四百七十疆終日行石穴恠木鬱

老蒼子規啼月不見影崖水落澗聲嘯
岷蝸黏蟻附登危嶺朝
霧成市迷綏陽我行亦勞止隴樹隱吾鄉
當年鏖戰鬪髯在
陳倉沛公就封日燒棧渚中王誰辦此張子房

自襄城循烏龍江岸行

烏龍江水怒呼號雷起崩灘雪涌濤疲馬臨崖愁仄路老猿扳
樹失秋囊千回萬轉仙人嶺賢濁聖清邨市醪無數巖花爭獻
笑教人那不恨周褒

雞頭關值雨

山翳白雲如束帶風吹不落擎冠蓋滃然布瀟壘空虛并路迷
漫都罨靄滑滑泥青頭雞行人到此都悲嘯我何爲者冒雨行

蜀雲已去秦雲生白龍出水腥滿壑白石神君來相迎楊桂旗
兮揭芝蓋清猿哀嘯子規鳴隔岸瀑布傾急溜江流走入石門
竇巨石如屋挽奔波波怒起伏尋石門瘞蛟遠遁挾魚飛石不
能言誰翹救觀音扁燕子崖奇石如鬼雜還來搏人駭汗汗流
顙足下驚濤起萬雷

登七盤嶺大雨不得至石門尋溼永平時碑

溼永平季溼中守樅爲楊淮鬱稱首愍念塗旅蘭生瓜勞費開
鑿石門口蜀安秦黔晝夜忝不怕石墮江聲吼桓帝建和歲在
酉同郡王升佩黃綬嘉厥偉績謀老壽銘石頌德誰出右古碑
曾曾不去手鉅鹿鄙君偕寮友從事督郵如某某獨有伯邵功

不朽名昇江山共悠久集古錯譌恠歐九楊名淮其兄名渙永叔以爲名厥沿鄭善

長之司隸家世印縣斗孟文元孫基孔厚我來恰觸屏翳肘大

雨滂沱天洗垢不得賞奇醉鵝酒驚濤齒字知何有并塗獵罟

磨爲日呼山頭雞原上狗

七盤嶺江岸有鄭子真釣臺

歷歷巨石傍江隈傳說徵君舊釣臺正是五侯薰灼日煙霞滿

谷釣魚來

釣得游龍卅六鱗故人書寄謝風塵嚴遵已死林間老猿鶴哀

鳴瀼水濱

臺側皚皚白玉盆模糊瀼瀼字猶存養魚不賣天機活王鳳兮

纒漫到門

玉盆在襄城縣北八里水中乃石生成不費斧鑿光潔如玉內刻玉盆二大字

詎是先生愛隱淪空山歲月養天真耕山有暇便垂釣不作長安富貴人

燕子陂

世塗險如此天乃在中山
中山焉開綫路曲折入蒼穹
峯危欲壓

顛不見仙人蹤

一名仙人陂

恠石森羅剎回顧落驚鴻
架木穿山腹

飛梁臥虛空奔濤奔石擊辟歷
毆豐隆崖傾雲生罅目眩耳亦
聾深淵伏蛟鰐伺人待飢充到巔
悸魂定風厲雨又凍泥滑股
弁栗哀鳴怯青驄絕澗深不測
蚪幹撐孤松我望赤崖戍膽大

趙子龍

觀音廟卽康熙時賈中丞瀝復煅石新開廟也奇險之狀
雲棧爲最

膠侯霹靂手開山山遂讓大石樓船竇小石謬屋放側嶺閒橫
舉鑕燒路可嚮醇醑之所爲五丁失雄壯峭拔高摩圍積傾遠
隔障下有千丈潭洶濤時張王幽窅潛毒龍攫人佯燕饒崖滑
足索息一跌不可償石林倚蒼天天外當平曠眼底生煙雲矧
中失熱瘴疲驢歐歐鳴行人得無恙欲佯棧道歌宋琬詩絕唱
長嘯來清風山靈謝巧匠

青橋驛

駐馬問衰斜春愁醉酒家閒雲坐竹杪細雨溼桃花石立何人

養素堂詩集

卷十五

五

拜

橋北有石孤立丈餘上橫
石版刻青標獨立四字

魚肥少客又橋邊聊小步流水憶

三巴

荅關

激石流褰水梯雲上荅關階天穴地路淮雨別風山戰壘江聲
護深崖樹色環巖疆跨秦蜀勞矣幾人還

馬鑑嶺

七十二腳不乾二十四過馬鑑上如猱升木下如蜨轉丸內嚮
壁觸額俯眎江奔湍厂或屠蘇仄巘乃堂皇安城舁鴈相並突
乘壺以揮壽藤蚪角戴古竹雞脰攢奇形雜詭狀瀏覽得大觀
殊忘登頓苦清泉思濯冠設險有天意雍梁限髀體

宿馬道枕上聽江聲

雨止月微明危峯直案戶樹杪墮魑雲倦寐鐙花吐大聲耳邊
來卻疑風催雨石轉湏奔雷山深谷嘯虎轟轟百萬兵介馬鳴
刀斧狹處逢疆敵追呼生捕虜一時起鄉愁悲壯鷗鷺舞

樊水爲蕭相國追淮陰侯處

逃楚西來事溘王如何魑計又蒼黃吾言不用畱無盃相國窮
追事可傷明月扶回雙轡影孤雲挽住遠離腸登壇卽定三秦
策燒棧無庸說子房

巨關縣獨感溘恩荆通相背誤王孫江邊老母心難忘垓下英
雄氣足吞告變家童誰料得無雙國士失并言當時若覓東歸

去北郭何勞說革存

青羊嶧

管宋楊士安屯營大安軍士卒何所食牧羊幾萬羣量來山谷

滿不辨草色蔽一水自南來清波入溱澣尋源出潭毒橋下蕩

沄沄金兵犯興元

事在紹興三年

劉子羽能懂築壘山之梟恃水眾飽

饋大敵猝然至矢石集風雲胡林坐不動諸將面如癰撤離喝

尋退掩擊箸伐勦固由寇糧盡實賴靜制紛我過問遺跡寒霧

隱朝昕莽蒼溟江上亂石臥青蘋

画谿關

碧壑丹崖一綫開江聲不斷白雲隈画谿多少嘯深樹可憎無

人送酒來

幽潔招提暫息勞
老僧茶話拂征袍
青羊回首雲峯隔
開落林花上鬢毛

雨霽宿西壩

峭壁上積陽空
江撼女牆野羊河在城外
炊煙穿樹綠
酒色逼鵝黃
懊惱何人曲詩書
舊日裝白蓮
管蹂躪烽火接陳倉

西壩曉行

綫路逼江濤
高深憎此身
衝風搖柳舞
亂石掘波曠
日上猶寒
谷花開似早春
時已四月中
岸塗橫紫柏
古洞隱仙人
紫柏山石壁有明萬曆時

襲令朱聖面書翠屏仙隱四大字

度柴關嶺

百丈關頭風怒號，塵沙撲上舊征袍。水奔深澗雲偏駐，天壓羣

峯石自牢。虎豹潛藏，林木盡

甲子歲過此林木深秀，今槩伐濯濯矣。

蛟龍伏匿洞

崖高。老僧何處修禪坐，我欲從之惜髮毛。

王文簡言紫柏山嶺有栽僧年九十六

紫柏山謁留侯廟

絕壁劃蒼冥，山空石氣青。竭來尋古廟，髣髴對先型。棧道烽煙

熾，圯橋風雪驚。報韓滄海士，逋難下邳亭。偶爾遭黃石，何幸箸

赤靈。青羣歌處拜朱舄，墮時停學禮真多。藝同仇未敢寧，趙高

藏自密。辛翼恨難聽，俗筭能銷印。拋椎遂建瓴，鯁生徒妄策。梟

將總，冤刑帷帳謀原洩。崑崙夢乍醒，功名鏹秦楚。狀貌肖娉婷

富貴仍吹志神仙又鍊形霞交追四顙殺辟駐千齡丁固顏何
厚申從奮若腥素書龍首閤錢卜馬頭靈竟逐赤松跡誰鏤紫
柏銘如琴知手妙投水見心淳好鳥呼深樹閒雲戀翠屏綦經
底須問天上看弧星

曉度南星東新開嶺

水漲行新嶺水落循故道徑路何多歧征客起毋早荒煙迷叢
林大石沒積潦微聞弄邨雞始乃辨灝演陟彼飛雲梯山椒曰
出杲恠鳥叫鉤輶好花披錦襍鷗拳画晴沙牛臥甃露草風景
亦良佳瀏眺忘煩惱況近廢巨關驚黃酒又好

廢巨關懷古

項羽亦儘饒計算扶王章邯距塞瀼瀼王燒棧意無東三秦卒
定眞天贊諸葛北征出祁山中原問舉討曹姦集米斜谷修邸
閣木牛流馬往復還我登廢丘關悵望陳倉道想見英奇人猷
壯謀原老淮陰曾暗度奪來楚國寶老鄉亦攻圍擊破王雙腦
龍爭虎鬥復幾時賸水殘山終不移爲問谿濱老柳樹長條踈

地垂金絲

三岔驛東谿旁有金
絲柳一株長百季物

心紅峽

石骨崢嶸拔天宇棱角不受一寸土欲飛還墮雲撲人奇勢如
此問盤古兩壁聳留一縷天水怒如挾風雷雨積鐵黝黑峙漆
城割足難登假翰羽棧道峯巒此第一

石壁鏤雲棧
第一奇峯

欲向乖崖

立門戶

鳳嶺

彼徂矣岐周道威夸我登其上言尋長離

解一

長離何往空穴廣廣不見矩矱昌閼響

解二

四顧褻裒天風忽來水下兩當峯摩三能

解三

文王不佗何羨阿閼鷗鳥飛鳴啄人而虐

解四

欲從鳳嬉東望九穹蕭條秦隴山谷參差

解五

苟無飢渴何嫌跼蹐草草勞人目焉徙豁

解六

我心之憂雨苦雲愁扳柳貫酒一曲涼州

解七

鳳縣雨

急瀑入嘉陵深泥蹶病驢青圍城似斗綠泛酒盈升蜀國絃誰

續豫州河尚溯

途中蘭河合龍後復沒蘭陽

予衰慚鳳德九萬羨雲鵬

荅侯城

雲黯荅侯城高臺日就平雨餘尋敗鏃石墮訝飛蟲大徹蘭殯

壘陳倉水咽聲并塗看豆積沖妙隱先生

豆積山在城北一里許有張果祠

草涼驛

柳灣江溜潏馬嶺石駮厥舊日樓無迹何人酒醉茅黃花叢故

堞碧草點荒坳水折山回處長橋怕伏蛟

長橋在驛西三十里

青峯閣

直上到蒼天青峯落眼并氤氲雲滿裏崔錯石摩肩旅客多扶

秋窮僧愛乞錢紅花臨白水風景足流連

紅花鋪在驛東十五里閣下卽白水江源

黃牛堡

黃牛堡上陳雲叅力戰金人勢不支合喜游兵鳥獸散吳璘果

是好男兒

紹興三年金人大舉入寇從單合喜扼大散關游騎攻黃牛堡吳璘馳至殺金坪駐青野原援黃牛金人

卻引

煎茶坪

五峯羅列如佛手峯纔斷處大壑守上有縣泉挂天紳奔落澗
底激石吼一峯高出是茶坪四峯在下踞巖口山北之水濁渭
流山南之水嘉陵忝西跨隴坂雲飛高東連太乙雪積厚老豹
吐霧虎嘯風愁絕秦黔彝蜀安我來憩馬烹錢芽嵐翠滴衣汁

染柳

和尚原

落日軍陽外高原大徹東谿屯寒豹霧山響寶雞風地險羌戎
據天低鳥路通議和遺棄後吳玠竟無功

益門鎮

馬上聽荒雞益門峯外低雲霄天欲落秦蜀路難迷虎穴風生
石雷聲水怒谿中原真一綫遠樹夕陽棲

養素堂詩集卷十六

老威張澍介侯

關中集

辛巳壬午

碑林

三輔碑林天下聞南人北客來紛紛累月經年勞撻搨不惜金錢買煙雲車載羸馱邠知數或藏或嚮或鬪分何人窮搜煬於茲歷代鴻生采遺文就中大者十三經舛漶魏體殊其形唐宗孝經隸書媚警諸曹全尹舛邢大禹岫嶼字奇古二楊解釋孰藍青郭氏家廟多寶塏魯公筆力存典型凡百數十難要僕光氣常留日月星我亦躡步時追尋參差扁落列如林覆以長廊防剝蝕是何人斯愛古心小石櫛筓嵌墻壁論價何啻雙南金

所嗟近來贗本多醴泉銘泐皇南磨描摹形似重鐫刻魚目混

珠誰辨訛兼有大力偷之去金薤琳琅付逝波我欲更作金石

錄趙

順郭允

伯二家勤披讀尚書畢沈攸羅徧關中遺漏二三有贗

馥車孝廉

月殿

補尤重怪句脫字誤盈行牘邇者新出餘三十何

當一一手編續嗚呼好古之士世希逢西平王勗鄰河宗

西平王李

屐三絕碑在高陵城外河流齧岸碑將沈余告於

濮陽令碑鹿

原出車輓到此畱奇蹤

隋濮陽令于君孝顯墓碑三原耕耨于土中掘出余屬同季盧厚山撫軍移置

碑林作曰過此摩真蹟蛛網再掃看蛟龍

關輔人物詠

道光辛巳夏日長無事取陝西通志閱之於人物遺漏

頗多就所記者各系以詩備異日續修者采補亦有志
所已載而牽連詠之聊以消暑云爾

靈光分四目製字想侯岡三會寺并過猶聞鬼哭傷

右倉頡

神農修本草岐伯佐軒皇素問靈樞旨何如貸季方

右岐伯

潼鄉隄首里居在陽紆山八石朝朝服陵波任往還

右馮奇

柱史有馮長天文變幻詳東遷周已季羽化白雲鄉

右馮長

伊誰爲大篆石數尚畱眞每到驢山下不逢蕭姓人

蕭姓蕭驢山人

右史籀

簡壁傳盲左宜爲弄玉名蕭聲今已歇鳳去羽陽城

右簡壁

醫術果通神齋禽二豎瞋若逢李醯酖何得便贖秦

右和緩

渭橋逢乞兒勿以穢汚之免得吾廬破多多勸酒卮

右綸疵

大儒逢盜劫喪斧又亡身定是詩難作輸作李舍人

右牛餽

破戶金人去秦皇怒底爲沙丘魚臭後卻見牧羊兒

右沙門室利房

次仲翻飛後元岑作隸書誰言秦賤士徒隸列等裾

右程邈

守節阡山上知交太史遷報書何不悟蠶室恨幽眠

右摯峻

死後尚危冠開棺尸不寒橫門時止宿不到櫟陽看

右谷春

北邙青隴上七尺卽君墳可惜曹元理未觀書壁人

右嵩真

亦復行陰德老嫗冒雨來簡長方九寸乃是帝天裁

右何比干

巨富魚翁叔張湯託至交牛車埋葬日可否助營巢

右魚翁叔

閒來過柳市子夏香薤尋芥視千金物士夫應媿心

右萬章

隸聖是秋胡蛟龍扼下驅至今杜陵上草沒翟公隅

右秋胡

章草最能工班超幕裏逢伯張畱藁勢我欲往扶風

右徐幹

最羨雨金翁王侯總媿窮蒼天何袒護千斛渭川東

右翁仲孺

福鳩竟入懷鉤化亦良佳我乃瘖生甚何猶困墨綯

漢時京兆語云張氏

瘖者
輒賞

右長安張氏

通人如子禮知己是揚雲吐鳳旋俎謝侯芭共築墳

右如子禮

竹簫溫篲廬君家有賜書揚雄是父黨來此覓蟲魚

右班嗣

閉戶說桑麻邠知鵲血花叔平真隱士惡聽水中蠅

右逢眞

何意南宮內尚畱王史銘醇儒不封樹椒酒奠英靈

右王史威長

清絕蔣元卿新朝不字貞羊求三徑坐日盼洛陽兵

右蔣詡

治車者誰子三徑見羊求信是逃名士甄邯夜半游

右羊仲求仲

大夫范仲公廉儉有誰同蒜顆偕鹽豉南陽豔口風

右范仲公

嶽嶽室中周新朝避世游著書來漢上定是漢清流

右室中周

孺子立高平炎劉火又生誰知蘇伯望佳氣起東京

右方望

信是梁鴻友嚶嚶繫別思嶠山終匿曜應憶賃舂時

右高恢

父賤亦何妨弭生才德良伯英書語激悃悵新豐鄉

右弭升

西伯今時出煌煌討莽文若非劉再世早已上緹羣

右隗囂

紀號是成家公孫帝蜀巴黃牛仍白腹莫認井中蠅

右公孫述

老子經誰熟伯都章句存
寒冬雙赤李食罷已飛鶩

右安丘望之

文伯真名族經明節又高
司徒訓舊績境外有蝗蝻

右玉況

鼯鼠有誰知靈臺大會時
僻書非爾雅子弟誦何疑

右竇攸

季春真傲俗自詡少倫儔
郡守無相迫乾坤第一流

右王訢

託病不爲郎丁邯信直亢
置妻南鄭獄搔背倩誰嫵

右丁邨

鄉里無田宅洛陽無主人靈臺聊止宿十日不炊薪

右第五頌

高陵龐智伯厚直贈衡農少待爲馮翊相酬舊日傭

右龐勃

不仕隱引農春秋說貫留青鸞偕白鹿舍下伴高筇

右辛繕

九歲尚書明阿誰及美名高墳崇七尺知抱渭陽情

右吉闕

子穀長垣長護闕太后師趨庭應有訓何乃善隨時

右曹成

棲絕問神篇妻亡意劇憐大家書又難何處覓金仙

右周季真

孟公瑚璉器宗廟自堪珍無恠伏波老時時咽口津

右劉龔

渭水繞回灣時來項仲山三錢郝足惜立馬聽潺湲

右項仲山

蛇變壺頭後珠犀謗正深賴君彈血淚書上悟皇心

右朱勃

彬彬馮仲文繼母事彌勤奏事伏青瑣憐寒賴聖君

右馮豹

髻拳能救父凍地苦呼號嬌皓佗時石傷心手自搔

右樂恢

儀狀最超羣天王降女姁熒熒東忝兔書語不堪聞

右竇牟

詩賤說通才天官數又該蓬蒿雖塞徑時見景卿來

右張仲蔚

季直通經士緣何重馬融笙歌來絳帳愛女得毋恟

右摯恂

蘇馬已高官惟君賤命寒何須嗟不遇文筆富波瀾

右曹眾

東蕞卽安眠功曹樂性天織箕何日賣破屋起寒煙

右孫晨

愛惜錢如此將毋作景卿忽來梁冀貸甌發自君榮

右士孫奮

謝絕公卿辟南山又北山如何好胡廣李杜陷深園

右法真

御史刺揚州孤軍不可畱趙岐三輔錄灑淚讀難休

右嚴象

將軍遠出征姓謝服爲名改射揚威在毋將譜系更

右射威

知人說幼齊具饌屢催妻勿恠童昏客佗季付隴西

右游殷

釋得蕙書成郡丞官亦榮誰如真確注莫說小顏精

右如淳

魏畧長良書郎中好曳裾隗禧傳左氏勸爾莫勤渠

右魚豢

鮑覺生

桂星

少司空寓伊弟

珊

滄碧大令大荔官署余自

省訪之覺生出游寧草見示輒酬四詩

曉夢戀觚棱西游逸興增關山舒白眼風雨話青鐙哲弟推循

吏迂儒認舊朋停杯還惆悵幾輩已飛騰

去刷黃山藥來扳玉井蓮危峯真拔地奇句欲驚天茅狗率從

爾人龍臥偶然羨君能健步蹴踏萬雲煙

吾道不終消蒼生屬望遙待調斟雉鼎卻挂飲牛瓢天地那無
意功名未可驕南歸心轉健筆蘸大江潮

余獨胡爲者黔州又益州無田仍作士有骨不封侯何意憐鴈
折猶然示舌柔循衿良自省一笑失牢愁

題家玉谿

美如

民部兄秋屋讀書圖

早讀人間未見書歸來老屋且匡居一鎗如豆秋侵骨萬卷爲
城富到車歲月清閒仙島夢蓬蒿翳隱君廬深知偃息謨觴

樂不羨金門獻子虛

四壁蕭疏抱剝吟披圖直見古人心空山樹老龍鱗動半夜茶
香鶴影沈座有英才勤問字門無俗客舁推衿閒來亦任陰鏗
句金粉南朝此雅音

黃櫨丹楓第五山朝朝挹翠好煙鬟沿流學字多波折面壁觀
心比石頑今古何人同視罔功名無意等循環他年我卜靈淵
駐也倩荆生画瘦顏

憶管鞏經愛瀨賢殊方伯吏廢丹鉛如君教授同恭祖似我空
疏愧茂先夜雨驚回錦江夢秋風吹老玉堂仙一尊共話名山
業王壽焚書總枉然

悼岳姬

消瘦容光耐半季羅衣尙怕壓香肩如何鬼伯來催促不把麗
娘放轉旋執手那禁辭世淚捫心欲結再生緣巴山灞水千重
路問爾何方法佗仙

抱病從知失掌珠

姬以兒阿多痢瘍
懷思不已成疾

偷彈血淚溼羅襦更無弱

女隨嬾婢

小女亦殤

可恨良醫失少俞去矣靈風空繾綣悲哉落日

黯黃墟電光石火誰能悟欲問蒼天有意無

靈香果可返魂不我欲求之向祖洲妖夢紅裳坐舞手

姬先苦
心熱漸

患兩手心熱已而
通體熱病遂篤

芳年碧玉折搔頭莫哀吾亦聽卿語相見何

能破古愁天上人間從此杳矣輪六月欲成秋

奉倩柔情亦可憐
庭中取令亦徒然
月斜疏幌花留鏡
日照粧臺玉化煙
乍入空房仍問訊
翻教久病得遷延
而今欲乞宵宵
夢細認蛾眉翠柳邊

枕上聽蛩鳴

切切悽悽到耳邊
繁聲不斷画欄干
麼如爾有何恨
羈旅當秋劇可憐
涼月一庭天不夜
美人千里死相捐
那堪簫管驚清夢
嬾撥殘鎗意惘然

題賀清容撫琴圖

修竹何嬋娟
老松何拒格
鶴聲一一飛
瀑布垂欄隙
誰能爲此曲
中有廣陵客
一彈棟雲青
再鼓庭月白
拊絃儼有思
深林聽

雪跡所慕在宣和遙情自脈脈百衲舁雙鑲音響徒促迫何羨
茂宗圖識我賀若烏

題友人臨鏡小影

心膽如君照不妨劉根遇後月成霜相知底事重相問好醜憑
佗九寸光

寫人形狀總分明對影那將櫟子爭身世果能拋事外酒卮聊
復贈青盲

友人書來譽余多識古字者畲此解嘲

何曾夢見老佉盧篆隸真行信手塗未向平亭詢訓籀卻從南
閣識之乎不圖吏簿多鐘鼎又見朋箋辨馬烏

余宰屏山胥吏點名冊多寫古

字書記辨別通俗有條同僚書函半從
古體一時好尚隨風而靡可爲捧腹 奉勸勿驚攔路虎康成

牛角觸墻無

送文遠舉

幹 師赴衛藏

長安葉落謁師型益部天高見使星塵鞅幾時違
撰杖蕭條逆旅話浮萍自慚枯櫟甘荒谷久望縑紳侍

內廷何意遽來黎雅路文翁石室待刊經

蔣山漸水仰龍門

師管任江蘇浙江學使

汴月黔雲駐鶴軒

巡撫貴州河南

人士

至今歌厚澤吾徒未敢負深恩風雷一噫喧仍崇竹帛千秋簡
亦煩此目

廟堂誰執政郇謨尙欲叫重聞

疾惡如風力自任艱危不變老臣心爲詢土銚卽籠俗定化與
耶穆護言幸膊山川收眼界鵲礪草木豁胷衿安兵亦復魑銜
勒萬里塵清挂劍鐔

歷井捫參蜀道難奔驅飽看好煙巒邑君欣拜唐蒙節鉗子爭
扶尹就輦白虎黃龍芒部懾金沙玉壘大江寒此身報

國須珍重方有豨豨可作餐

時師患足疾

送家仲嘉

兆衡

庶常乞假返里

碣石冰初裂霸陵霜正飛昇君十季別此日接客暉郡縣尊金

馬兒童羨錦衣南陔況馨膳余獨淚長揮

時余居先君子憂寓陝

之子信清才木天歸去來楓棧縈曉夢風雪侑深杯詩眼宋時

格睦心唐代裁嗟子經術陋漆字惑蘭臺

京華諸故人尙復憶鳩民作吏除螟蟻謂揭陳令藏書愛漢秦

其如髮成蒜那得手爲翰悵悵千秋事蕭條七尺身

爲問家農部讀書欣有圖袁千之爲玉谿作秋屋讀書圖乾坤我輩腐歲月客

中租服望客搜食支離漫學屠他年謝塵鞅卜宅伏龍隅

送呂星泉兆祺刺史返蜀

雪滿霸陵道送君已蜀行何時重奉襁望遠不勝情木脫黃牛

戍霜飛白馬城文翁石室在寄我古賢名禮殿圖孔子弟子姓名昇史記家語多有

同異

題呂小圃嘉言觀察看潮圖

三五堂詩集 卷一 三
伍員一怒江爲奔潮落天外天亦軒素車白馬來突兀玉山壓
波波敢吞忽如三軍齊哮吼金鼓百萬龜赭口疲蛟無力不能
逃糲糊血鱗觸胥母廣陵八月秋正高傾城士女來觀濤弄潮
兒乃好身手潮頭十丈飛輕篙勇人卹然駭汗落江奇似欲傲
海若陵赤岸兮簪扶桑浩蜺純馳互絡繹此是大地氣所升喘
息應月隨超騰巨鰲神龍邇得爾天河浪激言無徵我亦錢塘
看潮涌强弩射想錢王勇驅雲卷雪果誰爲岸潮潘戾後潮種

劍仙圖贈周雨蒼

雨霖

別駕並繫以詩

荒荒白日取人頭不愛黃金爲雪仇智勇深沈無稚色奸雄也
自抱生愁

之子心中詎不平
回思盡舞怒荆卿
慚無壯志焉問物何日龍
潭刺水精

送胡硯農燕觀察致仕南歸

敝髮謝風塵
青山有主人
浮雲輕世事
嗚日繫吾民
張翰尊鱸
夢蘇庠
薛荔身
灞橋離別地
萬柳館車輪

秋氣滿煙林
歸歟訪向禽
孤松三徑色
老鶴五湖心
軒輓真如
蛻腥羶未可
侵懷中
誓墓伯讀罷有悲音

遠世牢盆策經營
已九季盟心蠅
自逐報國海
能煎忽向江南
笑期爲硯北
眠吳鉤
鬢裏吼何日見飛仙

鉅鹿牽絲地
姑蘇建節天
甘棠知尙在
肺石想依然
事業中流

狂情懷太乙編今茲關輔內又說使君賢

小草出如何催科拙政多賴公知大下無計起沈疴天地容髯
髻山川悶黛螺何當遂初服侍杖泛煙波

學釣曉龍飢勤樵愛虎癡光顏傾濁酒鮑謝門新詩此樂防人
奪何心冀世知秋風催別駕悵望暮雲時

代和胡硯農

燕

觀察致仕南歸畱別元韻

皇恩允許乞閒身關外雲山逗笑輦幻夢早輕蘇季貴魃裝共
羨范丹貧好追管鳳鞭轡客不佞拖泥帶水人此去優游眞樂
事稻香魚美頌

君仁

誰嘲猿鶴未離林脫卻烏紗簪布衾在抱蒼生時入夢遺榮白
業爛爲箴大湫在曾能涵性空谷於今亦見心況是霸橋離別
地秋風吹送馬駸駸

詎說桓寬有論傳牢盆佐

國恩蟲緣三秦味識郁瑕傳九載才堪競杰連看鏡倚樓天趣
瀟烹茶煮筍俗懷捐遙憐麻埠灘梅月一片清光信惘然

山嶽可移案不遷江南讞獄憶當年姓名久篆龍鸞字事業寧
終蛤蜊泉想到葦艫因命駕拋他鄉豈得休肩高情似此非容
易賸就遂初期未愆

底事投簪託病魔故園松菊自然多儻能挽駕先時駐定起斯

民此日疴

時患厲疫

天地何心容擣斲山川有幸待詩磨盛唐繼翠

堪招隱不復畱連瀟漣波

善政邾無去後思豐碑墮淚滿周岐靈池日久遵鹽法畏壘風

清想祝尸未免鴻才當代惜縣知蟻結九原悲

殯謀葬

關懷家國

情何限平格他時上壽卮

輓浙閩總制方葆巖

維甸師

樞馬喧騰墮大星

九重揮涕念惺惺

師病篤齡耄云

又增朕憂矣良才難得

功名中外兩

朝紀蹤跡西南萬里經

官部郎時隨福文襄郡王西征出打箭爐至後藏廓爾喀制閩日渡海至噶瑪

蘭充國營田免募化

撫陝日以軍罷鄉勇煩多遣徭爲難奏照屯田之例寓兵於農隨時裁汰日以消彼

升卿縫織盜藏形

制浙間日以海盜充斥嚴開洋之禁而蔡大麻路存盧等相繼就禽

高燒紅燭

終宵罷深受

殊恩自弱齡

師四歲隨恪敏公接

禍

上令內侍抱至皇太后賞以食

物十八歲

召見賜舉人內閣中書軍機處行走

旬宣秦豫亦勤勞察吏安民白鬢毛賊渡不弄聞咳陞

為河南布政使

時防禦甚力湖南賊不得過界

軍資再算免歐刀

陝西自軍興以來諸官皆領

上遣大臣會辦欲

誅其人籍沒其產師擬於現任官養廉三分扣一不數年可完項即奏行之眾得免重罪

寬嚴布令春秋序

好惡平心尺寸操富貴又能崇素節十季岸著此征袍

纔典秋闈又校官

官副都御史時充順天副考官降補員外又為禮闈分校

高懸玉尺取琅

玕榜名龍虎傳衣鉢心是園亭愛蕙蘭得月共聽羽衣曲占星

誰戴鵷毛冠

師精天文星卜算數之學

嗟予落拓成知已曾翺光武射斗寒

尉卷被薦獲中進謁日師曰予閱陝甘卷卽知爲子也問何以知之師曰子女有光氣耳

四海傾風仰大賢何期徂謝在中季護堂侍疾天心鑒直杖衙

哀

帝念牽

御批直隸總督方受疇摺云汝力勸方某節哀養身不可過于毀傷也

司馬尊疊流客

淚卧龍桑樹裊秋煙早知後嗣清芬續南望金陵倍惘然

殺虎歌

有序

濟甸土知州死景祥馥印有遺族景在東奪之大肆威

虐賊殺不辜當事者憚弗敢誅坐五六季在東遂謀襲

土職逐祥又囚其從弟星星跳免乞師于益定擊逐之

弗克禽在東率野番復入灣甸滋擾且謀攻姚關曲靖
宋太守湘署篆欲誅之營并阻撓大府或之不發軍給
餉太守自辦芻糧帥民兵殲之得其卽境宇以醴功不
錄士民佖頌章其事余乃爲殺虎歌

廣鬱腥風起灣甸有虎牙人白晝見青林蔽日阻且深老熊失
巢虎又變超山若傅翼擇肉卽得食一嘯羣狐來獵者紛逃匿
縱橫五六羣膽大欲上天天高不可上咆哮山爲穿誰能制其
死命使之爐中黃伯者乃有禽虎計敝黨翦羽頃刻山林空虎
遂曳尾孤棲無威勢繫以絛截以刀眼光墮地不見乙四野雲
淨蒼天高中黃魑來默無語鮮血淋漓溷衣褚殲刀於筍看浮

雲菊人猶說自死虎

瘦馬

入市無人問悲吟骨有稜秋園肥苜蓿飼爾冀超騰

徐香珏

名黻

太守同年壬午科內監試示闈中贈吳梅

梁杰

陳蓮史

繼昌

二王試詩依韻和之

會澆杯酒菊花仙

蜀石室有菊花仙石刻蓮宮女也試者競以酒酌之

古月高懸石鏡并

一自歸來客我嬾相逢異地信君賢蒼茫秋氣盈三輔潦草功

名擲廿年奉禱幾回仍判禱河聲嶽色總悽然

闌微心緒到隨清

現為太史公妾隨清娛修祠堂

褚氏銘文待定評偶爾煎茶

修故事無端聽雨伶商聲星軺最愛黃花路

吳侍御詩有黃花一路拂衣輕之句

幻夢曾游白玉京等是蓬萊方丈客羅衣不怕五銖輕

過長安李衛明府邀飲卽席贈

草草勞人偶偶車相逢又是雪霏初新詩示我豐年玉惠政憐

他趙尾魚海上濤聲縈曉夢

君有引退之志

關中嶽色入笏裾

笏裾有望

酒酣爲說貪狼事蜀裏吳鉤響入虛

大雪登六盤山作示郁和尚

怪雲破石出依石不肯去大風天際來雲飛山骨露雲山變幻
亦何常雪花如掌紛飄揚舊雪未消新雪積峯頭四顧愁迷茫
黃帝曾者仙不死問道來訪廣成子鸞輶曾駐此斧頭至今空
咽彈箏水世人胡爲者妄欲學長生旣已削頭髮猶然作世情

定知不是西來意何不徑向雪山背竹林中行
郇和尚多俗情故當頭一棒猛

之喝

贈馬南園 疏 太史

老我風塵俗吏中玉堂天上想玲瓏清才如子陵雲贈聖道無
人射日弓猶憶往時虛室白不圖今夕醉顏紅舉蘭山色寧畱
佳愧尔精魂夢裏通

南園於正月夢
余有詩紀之